

乾隆乙巳嗣孙郡庠生濂茂亭氏敬撰

光绪十五年己丑孟冬月谷旦复录

民国五年丙辰秋月又录

五修重录

六修又录

首修谱序二

昔李献吉曰国有史家有谱南丰曾文定曰志铭之传于世义近于史而亦有与史异者而世或谓谱之于史亦然古周礼小史掌邦国之志莫系世辨昭穆所谓邦国之志者志前人之行事而系世昭穆缘是以明故谱寄于史然周以前史不国著夏商二代阙如者孔子所以三慨杞宋之不足徵也惟周千八百国莫不有史左氏合之为传分之为语传附于经以示统语附于国以示派周之史详于夏商而其事独传于后世者国各有史之力也故家世族之有族谱犹一代之有史也其支分派别而为支谱亦列国有史之类也我何氏族属繁衍里居星散或迁徙而远离桑梓或同宗而散处异乡甚至异班各宗未免视一体如涂人等宗支而异姓者所赖谱之修亟矣

乾隆戊子秋 家大人讳成琢字圭石多方以相糾
合奔走不憚勞苦慨然是任自 必宗公以后一派繼承
彙成草稿几于有成不意事難圖始有志未逮甲辰春恸
家 大人已棄世矣幸 各叔祖復繼纂修余得朝夕對校
顛末自始祖 宗公以下越今數百年而系世昭穆遠近
親疏按次以稽事若列眉矣所謂盧陵有永叔而后歐陽
族譜以作眉山有老泉而后蘇氏家乘以傳余非敢繩武
是任實不忍家 大人之苦衷不能不白矣今譜牒告成
由祖宗而序昭穆于千年歷子孫而大本支于百世俾知
源之遠者流長根之深者枝茂以俟后之亢吾宗者維
先人實式憑焉

乾隆五十年歲在乙巳孟冬月上浣之吉

十六世嗣孫庠生多能沐手敬撰

光緒十五年己丑孟冬月谷旦復錄

民國五年丙辰秋月又錄

五修重錄

六修再錄